



Privođenje robovlasnika Avdije Osmanovića u prostorije SIPA-e



Pansion u kojem je žrtva proživljavala torturu

(Foto: M. Dedić)

Istražitelji SIPA-e prekinuli dvogodišnju agoniju robinje Avdije Osmanovića

Silovana, bičevana, čupani joj nokti i tjerana na prosjačenje

Osumnjičeni kupio A. S. (24), koju je više od dvije godine mučio te prisiljavao na prosjačenje • Nesretna djevojka ima blagu mentalnu retardaciju

Pripadnici Državne agencije za istrage i zaštitu jučer su u Bihaću uhapsili 48-godišnjeg Avdiju Osmanovića zbog sumnje da je kupio 24-godišnju A. S., koju je više od dvije godine zlostavljao te prisiljavao na prosjačenje.

Strašna tortura

Istražitelji SIPA-e ostali su šokirani kada su saznali da je nesretna djevojka osoba sa posebnim potrebama te da ima blagu mentalnu retardaciju.

Od izvora bliskog istrazi koji je dobro obaviješten, nezvanično smo saznali niz stravičnih detalja o konstantnoj torturi te ponižavanju žrtve, nad kojom se Osmanović izvipljavao. Nesretna djevojka je, prema kazivanju našeg izvora, mjesecima silovana te ponižavana.

Istraga je pokazala da joj je Osmanović čupao nokte na rukama i nogama, gasio cigarete po tijelu te je bičevao kablovima, ali i udarao rukama, nogama te raznim predmetima po cijelom tijelu.

Žrtva je bila primorana da prosi, a u posljednje vrijeme najviše je za Osmanovića sakupljala novac na području Unsko-sanskog kantona. Ako bi to odbila, bila bi surovo kažnjavana.

Specijalci i istražitelji pretresli su mali pansion na početku bihačke Jablanske ulice, vlasništvo H. B., u kojem je osumnjičeni Avdija živio sa suprugom Senadom. Inače, kako saznajemo, osumnjičeni se u novembru prošle godine doselio iz Živinica u pansion.

Prema riječima vlasnice



pansiona, romska porodica uredno je plaćala mjesečnu kiriju, a ona ih nikada nije pitala čime se bave, mada komšije tvrde da su se bavili prosjačenjem.

Osmanoviću su povremeno dolazili kćerka Itona sa suprugom Rambom i njihovo četvero djece, a osumnjičeni sa suprugom Senadom ima petero djece.

Naša ekipa otišla je do pansiona, gdje je Osmanović uhapšen, a tamo smo zatekli njegovu suprugu Senadu, koja nam je potvrdila da

je djevojka ranije boravila s njima u pansionu, ali da već pet mjeseci nije bila tu.

Navodi supruge

Djevojka je živjela u "divljem" braku s Kenanom Osmanovićem i jetva je mojoj kćerci Itoni. Kada su policajci došli, lupali su na vrata, razbili staklo, vikali: "Otvori, majku ti j...m." Avdiju su odmah sručili na pod i zavrnuili mu ruke. Jedan mu je vikao da šuti, a drugi je piktio: "Gdje si je kupio?" Avdija mu je rekao: "Nisam je

kupio" - kaže Senada.

Ona je, također, dodala da je pazila na djevojku, hranila je i lijepo je oblačila te da ju je zvala majkom. Tvrdi da je djevojka nagovorena ili natjerana da slaže da ju je Avdija zlostavljao.

Senada nadalje tvrdi da je djevojka pobjegla od nevjenčanog supruga, jer ju je tukao, te da je u Bihać stigla njenom kćerkom i zetom.

Njen muž Kenan je rod Avdiji, živi na Otesu. Stalno ju je tukao i ona je bježala od njega. Prije udaje, živjela je u Mostaru, u Domu za napuštenu djecu. Kada je došla s Ionom i Rambom, od Kenanovih udaraca imala je povrede po glavi i rukama - kaže Senada te dodaje da je djevojka izženada otišla, a posljednji put su je vidjeli kod objekta "Bingo" u Bihaću, nakon čega je Senadina kćerka Itona prijavila njen nestanak bihačkoj policiji.

Vlasnica pansiona H. B., koja je prisustvovala razgovoru sa Senadom, bila je zbunjena, jer ni sama nije znala da djevojka nije Avdijina i Senadina kćerka.

M. D. - M. Aš. - Ad. A.

Predat Tužilaštvu

Osmanović se sumnjiči za krivično djelo trgovine ljudima radi radne eksploatacije. Uhapšeni robovlasnik predat je Tužilaštvu BiH na daljnje postupanje.

Nakon što ispita osumnjičenog, postupajući tužilac donijet će odluku o pokretanju prijedloga za određivanje mjere pritvora - saopćili su jučer iz Tužilaštva BiH.